



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Labour, Social Policy, Displaced  
Persons and Refuges

Broj: 13-02/01-45-10042-4/20  
Sarajevo, 29.05.2020. godine

**- SKUPŠTINA KANTONA SARAJEVO**

**Služba za skupštinske poslove**

**- O v d j e -**

**KANTON SARAJEVO**

**Stručna služba Vlade**

**- O v d j e -**

**Predmet:** Odgovor Ministarstva za rad, socijalnu politiku, raseljena lica i izbjeglice  
Kantona Sarajevo na pitanje zastupnice Neire Dizdarević, dostavlja se  
Veza: akt Stručne službe Vlade broj 16-45-10042-4/20 od 15.04.2020. godine

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljen je dana 15.05.2020. godine akt Stručne službe Vlade Kantona Sarajevo, gornji broj i datum, koji se odnosi na zastupničko pitanje zastupnice Neire Dizdarević, a u cilju pripreme kvalitetnog odgovora i blagovremenog dostavljanja istog Skupštini Kantona Sarajevo.

Zastupnica Neira Dizdarević je na 23. Radnoj sjednici Skupštine Kantona Sarajevo, održanoj dana, 23.03.2020. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, postavila slijedeće zastupničko pitanje:

**“Šta uraditi u slučaju kada djetetu sa poteškoćama ističe rješenje o invalidnosti? Poštujući preporuke nadležnih o posjeti zdravstvenim ustanovama u krajnjoj nuždi, nije moguće izvršiti specijalne preglede djece sa poteškoćama, pa samim time niti predati potrebnu dokumentaciju. Da li to znači da će ovi korisnici ostati bez invalidnine i tuđe njege? Mnogim porodicama je ovo jedini izvor prihoda. Molim vas za kratke i jasne upute na koji način prevazići ovaj problem?”**

**“Molim za savjete i upute roditeljima na koji način prevazići izazove koje obaveza izolacije donosi za djecu sa poteškoćama (autizam, ADHD) koja često, ukoliko su predugo u**



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1



**zatvorenom prostoru, samopovređuju. Da li je moguće napraviti neki izuzetak u zabrani kretanja, uz strogo poštivanje uputa nadležnih ustanova?"**

Ministarstvo za rad, socijalnu politiku, raseljena lica i izbjeglice Kantona Sarajevo je sa pažnjom razmotrilo dostavljeno zastupničko pitanje.

Obzirom da prvostepeni postupak za ostvarivanje prava po osnovu invalidnosti (lična invalidnina, dodatak za njegu i pomoć od drugog lica i ortopedski dodatak) shodno Zakonu o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06 14/09, 45/16 i 40/18) (u daljem tekstu: Federalni zakon) provodi Javna ustanova "Kantonalni centar za socijalni rad" (u daljem tekstu: "Kantonalni centar"), to smo predmetno zastupničko pitanje prosljedili i navedenoj ustanovi, te na osnovu dostavljenih informacija sačinjeno je izjašnjenje Ministarstva na postavljeno zastupničko pitanje.

Prema informacijama Kantonalnog centra isplata novčanih davanja na ime lične invalidnine i dodatka za njegu i pomoć od drugog lica nije obustavljena maloljetnim korisnicima.

Naime, Federalno ministarstvo rada i socijalne politike je, shodno upitima centara za socijalni rad i općinskih službi socijalne zaštite o načinu postupanja u predmetima maloljetnih lica kojima su određeni kontrolni pregledi u mjesecu martu ili nekom drugom mjesecu u 2020. godine u toku trajanja pandemije, istim dostavilo uputu o postupanju u navedenim predmetima. U dostavljenoj uputi je, između ostalog, navedeno da će se nastaviti isplata novčanih davanja na ime ostvarenih prava po postojećem rješenju za naredna tri mjeseca na osnovu zahtjeva centara za socijalni rad i općinskih službi socijalne zaštite, a koji treba da sadrže ime i prezime korisnika, jedinstveni matični broj, te razlog zbog kojeg ne treba obustaviti isplatu novčanih davanja korisnicima po ovom osnovu.


Ukoliko u periodu od tri mjeseca pandemija prođe, kontrolni pregledi će se obavljati i donijeti nova rješenja u skladu sa nalazom. Međutim, ukoliko u navedenom periodu ne dođe do završetka pandemije, te ukoliko se ne steknu uslovi za kontrolni pregled, prema obavijesti i zahtjevima centara za socijalni rad i općinskih službi socijalne zaštite, ovaj način isplate će se produžiti i za naredna tri mjeseca.

Što se tiče drugog pitanja imenovane zastupnice, ističemo da je mjera zabrane kretanja djece mlađe od 18 godine, ukinuta odlukom nadležnog organa.

Pripremila: Smaragda Lučkin, stručna savjetnica  
Kontrolisala: Slavica Gorančić, pomoćnica min



Sekretarka Ministarstva, Belma Trajkov



Dostavljeno:  
1. Naslovu,  
2. a/a.



web: <http://mrsri.kz.gov.ba>  
e-mail: [mrsri@mrsri.kz.gov.ba](mailto:mrsri@mrsri.kz.gov.ba)  
Tel: + 387 (0) 33 562-089 Fax: + 387 (0) 33 562-090  
Sarajevo, Reisa Džemaludina Čauševića 1

